

I CORINTO 7:10-16

REVIEW...

- **I CORINTO 1:1-9 - ANG PAGPANAMYAW SA PROBLEMADO NGA SIMBAHAN...**
- **I CORINTO 1:10-6:20 - APAT KA MGA PROBLEMA SA SIMBAHAN ~ PAGBINAHINBAHIN/ DISIPLINA/ AKUSAHAY/ KAPUTLI**
- **PAGSABAT SA LIMA KA MGA PAMANGKOT HALIN SA SIMBAHAN...**
 - 1st - Pag-asawahay - **I Corinto 7:1-40** / 2nd - Mga idolo - **I Corinto 8:1-11:1**
 - 3rd - Pagsimba - **I Corinto 11:2-34** / 4th - Regalo nga Espiritwal - **I Corinto 12:1-14:40**
 - 5th - Ang pagbanhaw - **I Corinto 15:1-58**
- **ANG CHAPTER PARTE SA PAG-ASAWAHAY...**
 - **I Corinto 7** amo ang nagapanguna nga chapter sa Bibliya patuhoy sa pag-asawahay...
 - **7:1-9** -Mag-pakasal / **7:10-16** -Pag-asawahay / **7:17-38** - Indi pag-pakasal/ **7:39-40** -Pagpakasal -liwat
- **I CORINTO 7:1-9 - SA MGA GUSTO MAGPAKASAL...**
 - 1st - Indi sala ang magpakasal (*apang ang mga indi kasado nga mga lalaki indi dapat magtandog sang babayi*)...
 - 2nd - Para malikawan ang sekswal nga imoralidad - magpangasawa...
 - 3rd - Magpakasal sa mga insakto nga rason - indi para makabaton / kundi para maka hatag (*indi ikaw ang nagapanag-iya sang imo nga kaugalingon*)...
 - 4th - Maayo nga magpabilin nga indi kasado (*dedikado sa Ginoo*) pero kon daw masunog ka - magpangasawa ka!

PARA SA MGA MAY ASAWA (2 KA BUTANG)...

- **1ST - INDI MAG-DIBORSYO... VS. 10-11**
 - Indi ini mando ni Pablo - halin ini kay Jesus - **Mateo 19:3-9 / Marcos 10:1-9...**
 - Ginhangkat si Jesus tuhoy sa topiko sang diborsyo...
 - Ang mga lideres sang relehiyon nagpalapit liwat kay Jesus para tilawan Siya...
 - 'Suno bala sa laye ang pagdiborsyo sang isa ka lalaki sa iya asawa' – 'sa BISAN ANO man nga rason'...
 - May ara nga paglinalis parte sa mga ginapasugtan (*Kasuguan sang Dios*) nga mga rason sa pag diborsyo...
 - **Sa mga Konsebatibo (*indi popular*) Ang tawo ginatugotan nga mag diborsyo sa iya asawa sa kaso sang pagpanglahi**
 - **Liberal (*popular*) ang tawo maka diborsyo sa bisan ano nga rason...**
 - **Kon makakita siya sang mas guwapa kag gusto niya pakasalan /ukon ang iya asawa nagluto sang sunog nga tinig-ang...**
 - Kag may ginduggang pa gid - 'si Moses nagtugot sa kasulatan sang diborsyo' - **Deuteronomio 24:1**
 - Si Moses – ang Kasugu-an – nagtugot nga ang tawo makabulag sa iya asawa...
 - Indi lang amo ina -Ang Kasugu-an wala nagsambit kon ano ang rason nga mapasugtan ang diborsyo...

- Ang pamangkot sang 'rason' wala sang sabat – kag nangin abri sa pag interpretar...
- o Ang rason para mag Diborsyo amo lang ang...
 - 1st - Kamatayon – kon ang imo asawa ukon bana mapatay hilway ka mag pakasal liwat...
 - **Roma 7:2** – “Pareho bala sang babayi nga may bana. Suno sa kasuguan, ang babayi nahigot sa iya bana samtang buhi pa ang iya bana. Pero kon ang iya bana patay na, hilway na siya sa kasuguan nga nagahigot sa iya sa iya bana...”
 - **Note – wala sang pahanugot nga patyon mo imo tiayon agod nga makapakasal ka liwat...**
 - 2nd - Ang rason lang nga ginhatag ni Jesus para sa diborsyo amo ang – imoral nga relasyon – pagpanglahi...
 - Ang pagpanglahi isa ka pisikal nga relasyon sa guha sang kasugtanan sang kasal...
 - Ngaa ang pagpanglahi lang – ini isa ka paglapas sang pagsalig nga daw imposible na nga malampuwasan...
 - **Apang bisan ang pagpanglahi may paglaum - si Jesus makapasag-uli sang nabu-ong nga pag-asawahay ...**
 - **May nahibal-an ako nga magasawa. Diosnon sila pero pareho sila nga nag-agi sa imoral nga relasyon...**
 - **Natigayon sang Dios nga ayohon ang naguba nila nga pag-asawahay kag nangin bag-o – Makalilipay!**
 - **Ang diborsyo indi kinahanglan bisan may pagpanglahi pa – ginapahanugot lang...**
 - Ang diborsyo kag pagpakasal liwat sa lain nga rason – si Jesus nagasiling nga pagpanglahi...
 - **Kon nagpakasal ka sa isa ka tawo nga diborsyado – ina isa ka pagpanglahi...**
 - **Ang pag bulag sa imo tiayon kag 'magpuyo' sa isa ka tawo pagpanglahi gihapon ...**
 - Ang punto nga ang importansia sang isa ka kasal nga magpabilin sa bug-os nga kabuhi...
 - Bisan pa nga ang Kasuguan nagpasugot sang diborsyo – indi gid ini maayo nga sabat...
 - Bangod sang katig-a sang tagipusoon – literal nga namalhan, tig-a, mahunit, indi gusto mag patawad...
 - **Gugma, pagpatawad, pagpaayon – amo ang kula nga naga uyat sa mag-asawa nga maupdanay!**
 - **Kon wala ang mga ini, ina nga 'kula' nagatig-a – kag ang mag-asawa mabulagay gid ...**
- o Si Jesus nagbalik sa antes sang Kasuguan ni Moses – sa orihinal nga plano sang Dios - **Genesis 1:27, 2:24**
 - 1st – Sang una gid, gin tuga sang Dios ang tawo lalaki kag babayi...
 - Indi na sila duha – kundi mangin isa - literal nga natuman sa ila mga anak – ang duha nahimo nga isa!
 - **Ang Dios nagtuga sang lalaki kag babayi agod nga may ara nga diosnon nga mga kabataan - Malakias 2:15**
 - **Ang mga Kabataan nga nakakilala, nagahigugma, kag naga sunod sa Ginoo – paagi sa pagsunod sa ehemplo sang ila nga mga ginikanan**
 - 2nd -kon ano ang gin isa sang Dios (*literal nga gin guta*) nga mag-upod...
 - Ang “guta”/ obra sang Dios sa kasal – nagapakita sang gugma sang Dios para sa iban

- o Ang pag-asawahay isa ka laragway nga makabulig sa aton sa paghangop sang gugma sang Dios para sa aton...
- o Ang Dios nagasiling nga ginahigugma niya kita – apang ano ang eksakto nga buot silingon...
- o Ano ang kahulugan sang gugma - gina tawag niya kita nga anak – ginatawag niya kita nga nobya
- Kon ang laragway sang kasal nabuong paagi sa pag bulag ukon indi maayo nga pagtamdanay sa pamilya...
 - o May ara kita sang buong nga laragway sang Gugma sang Dios...
 - o **Ginahigugma ako sang Dios - asta makakita Siya sang mas maayo – kon indi ako makahimo sang kasaypanan...**
 - o **Ukon gina-agwanta Niya lang kita tungod wala siya sang mapilian...**
 - o **Amo ina ang makita naton nga laragway sa mga madamo nga pag-asawahay sa sini nga tion...**
- Ang kasal dako sang epekto sa aton nga paghangop sang gugma sang Dios...
 - o **Ang pag-asawahay naga apekto sa pag hangop sang mga kabataan sa gugma sang Dios...**
 - o **Amo kon ngaa si satanas naga tinguha gid sa pag guba sang pagasawahay...**
 - o **Kon wala sang higugma sa pagasawahay - maguba ang paghangop sang gugma sang Dios...**
 - o **Ang pinaka-dako nga regalo sa aton mga anak amo ang paghigugmaanay sa isa kag isa...**
 - o **Paagi sa imo gugma kag ehemplo nga ang imo mga anak makatu-on sang gugma sang Dios**
- 3rd – Wala sang tawo nga makapabulag...
 - Sa pagasawahay - ang lalaki gin-upod – literal nga gin tapik – sa iya asawa
 - **Kon nag kuha ka sang duha kabilog nga kahoy – kag gintapik mo sang tudo - tapos imo sila bulagon**
 - **Ayhan ma bulag mo man sila – apang indi matinlo – ma biak sila – ang pagbulag naga guba sa ila pareho**
 - **Kon ang pag-asawahay mabuong – nagapilas sing dako sa tagipusoon sang bana kag asawa...**
 - **Ang Diborsyo indi tinlo – kay ginagisi ang dapat nga indi pag-iseparar...**
 - **Kon ano na ang gin tapik sang Dios – wala sang tawo (*lakip na kita*) nga mag bulag sini!**
- o Si Pablo nagpadayon sa pag hambal - kon himuon mo ang pag diborsyo - indi ka magpakasal liwat...
 - Kon indi mo pag tumanon ang sugo sang Dios - kag pilion mo sa gihapon ang diborsyo...
 - Nian mag pabilin ka nga solo - wala ginatugotan nga mag pakasal ka liwat...
 - Luwas lang kon ang imo pakasalan amo ang imo nga tiayon nga ginbulagan...
 - Nagakahulugan nga ang imo tiayon buhi pa...
 - Kag wala sang imoral nga relasyon (*suno kay Jesus nga makapakasal ka liwat*)...
 - Nag diborsyo ka lang tungod indi mo na palangga' / 'indi magsahuanay'...
 - Mas matahom ang hilaon sa pihak nga bahin...

- Mga lalaki kag babayi naga diborsyo - bangod gahunahuna nga mangin mas malipayon sila...
- Sa masami tungod nakakilala sila sang iban nga nag hatag sang kalipay...
- Kag sa una, daw maayo nga sabat - naga butang kita sang pinakanami nga hitsura sa una pa lang...
- Apang sa paglipas sang tion makita nila nga nagbiya sila sa isa ka makasasala - para magpakasal lamang sa isa pa gid ka makasasala...
- Ang yabi sa kalipay indi kon si sin-o ang imo pakasalan - kundi ano ang ginasandigan sang inyo pag-asawahay...
- Wala sang diborsyo sa Pilipinas...
 - Apang masami natapos na ang pagasawahay – bisan lain ang ginahambal sa papel...
 - Bangod nga kasal sa ngalan – wala nagakahulugan nga kasal sa tagipusoon...
 - Madamo ako sang kilala nga nagpakasal – apang nag ‘diborsyo’ ang kada isa sa ila tagipusoon
 - Nagaupod man sila sa isa ka balay – apang separado sa tagsa tagsa nila nga kabuhi
- Indi gusto sang Dios ang pahapyaw nga pag-asawahay – kundi LABING-MAAYO nga pag-asawahay...
 - Naghatag ang Dios sang duha ka yabi para sa LABING-MAAYO nga pagasawahay- **Efeso 5:22-33**
 - 1st - Mga asawa pirme nga magpasakop sa inyo bana / 2nd - mga bana pirme nga higugmaa ang inyo asawa
 - Ang problema ang ina nga mando ka imposible...
 - Imposible sa isa ka asawa nga magpasakop sa iya (*depektibo*) nga bana...
 - Imposible sa bana nga maghigugma sang(*himpit*) sa iya asawa..
 - Sa baylo nagahimo kita sang kondisyon para sa aton nga ‘pagpasakop’ kag ‘gugma’...
 - Kon siya mag pasakop sa akon higugmaon ko siya /kon maghigugma siya sa akon mapasakop ako sa iya...
 - Kag indi naton mahangpan kon ngaa ang pagasawahay nagalayuanay/nawasak
- Ang kulang sa kalabanan nga mag-asawa – si Jesus!
 - Gin tuyo ko gid nga pangita-on ang rason sa likod sang maayo nga kasal – Ang LABING-MAAYO nga kasal
 - Kon talupangdon ang maayo nga pag-asawahay wala nakabase sa balatyagon, makagalanyat, ukon pagpanghilabi
 - Ini nga mga bagay indi dalayon ~ bangod indi kita nagapabilin
 - Nagapasingit kita/indi maayo ang aton adlaw /naga tigulang kag nagakulubot /indi permi naga tuman sang pagpanghilabi
 - Ang isa ka dalayon nga makapapag-on sang pagasawahay ~ si Jesus...
 - **Hebreo 13:8** – “ Si Jesu-Cristo wala gid nagaliwat. Amo siya sang una, subong, kag sa wala sing katapusan.”
 - Mga Bana – basaha ninyo ang Biblia upod sa imo asawa / pangamuyo upod sa iya/dal-a siya sa simbahan
 - Mangin huwaran sa inyo asawa kag kabataan nga sundon – **I Corinto 11:1**
 - Kon malapit ka kay Jesus – nagatubo kay Jesus – magapabilin nga bugana sa gugma ni Jesus

- Sa pagpadayon nga malapit kay Jesus – makita mo nga ang asawa mo nagapasakop sa imo!
- 2ND - **KON MAY ARA KA NGA ISA KA INDI TUMULUO NGA TIAYON... VS. 12-16**
 - o Si Pablo nagpadayon sa paghatag sang kaalam nga halin sa Ginoo sa mga - ‘nakasal sa indi tumuluo’...
 - Mahimo nga matabo ini sa duha ka nagkalainlain nga paagi...
 - 1st -Ang isa ka tiayon nakadangat sa pag baton kay Jesus bilang manluluwas...
 - Nag asawahay sila sang indi sila Cristohanon - pareho nga wala naluwas...
 - Ini naandan na nga problema nga ginaatubang sang madamo nga pamilya - ang ginikanan may lainlain nga pagtuo...
 - Kalabanan nga pagbinaisay sa pagasawahay - ang nagkalain-lain nga pamatasan...
 - Ang isa gusto mag kadto sa simbahan sa adlaw sang Domingo - ang isa gusto pa mag tulog...
 - 2nd - Nagpakasal ka sa indi tumuluo...
 - * **II Corinto 6:14** - “Indi gid kamo magpakighiusa sa mga wala nagatuo kay Cristo...
 - Tungod bala nga ang babayi ‘relihiyosa’ kag nakabalo ‘parte kay Jesus’ wala nagakahulugan nga luwas siya...
 - Indi pagpakasali ang babayi kay cute - pakasali ang nagahigugma sa Ginoo...
 - Mag mahinalungon sa pagpili sang inyo palang-asaw-on - ini permanente nga desisyon...
 - Pangitaa ang babayi nga nagahigugma sa Ginoo - indi lang sa tinaga- kundi sa panggawi!
 - o Kon ang isa ka wala nagatuo nga tiayon indi gusto magbiya sa kasal - indi mag diborsyo...
 - 1st - Ang tumuluo nga tiayon nagapakabalaan sang ila mga anak - ginahimo sila nga balaan...
 - Ang isa lang gid ka paagi nga makalakat sa langit amo ang pagtuo kay Jesu-Cristo...
 - o Apang ano ang matabo sa mga bata/kag lapsag nga indi pa hamtong...
 - o Mga wala pa nag abot sa edad nga makasarang na nga mag pili kay Jesus...
 - o Lainlain sa kada bata - naga-agi sa proseso - indi lang matabo sa isa ka tion...
 - o Ang isa ka 3- ka tuig nga bata basi mag ‘baton’ kay Jesus - apang wala pa sang bug-os nga paghangop ...
 - o Basi mag ‘baton’ kay Jesus liwat sa edad nga 10 ukon 12 - tapos mag abot siya sa edad nga 15 ukon 16...
 - o Kag makaabot sa lugar nga hamtong na nga nakahangop kag magpili kay Jesus!
 - Naga hunahuna kita nga ini nga mga bata makadto sa langit - Ang Dios sa Iya nga hustisya ginabaton sila nga mga inosente...
 - o Si Haring David pagkatapos nga makasala kaupod ni Bathsheba - nagpuasa kag nagpangamuyo para sa iya anak...
 - o Bilang parte sang pagsilot - ang lapsag nagmasakit kag sa madali nga tion napatay...
 - o Sang nahibaluan ni David - nagtindog siya - nag-ilis - kag nag kaon liwat tungod...

- o *** II Samuel 12:23** -“Pero karon nga patay na siya, ngaa nga magpuasa pa ako? Mabuhì ko pa bala siya? Sa pila ka adlaw kon mapatay na ako, makadto ako sa iya, pero karon indi na siya makabalik sa akon.”
- Bisan isa lang ka ginikanan ang tumuluo...
 - o Ang mga gagmay nga kabataan ‘ginpakabalaan’ - ginhimo nga balaan - sa pagtuo sang isa ka tumuluo nga ginikanan...
 - o Ini isa ka simple nga kahulugan bangod sa impluwensia sang tumuluo nga asawa ukon bana...
 - o Ang pagtudlo sa mga kabataan parte sa kay Jesus - hanason sa pagsunod sa Ginoo.
 - o Apang mahimo man nga may ara nga espiritwal nga aspeto - literal nga ang mga magagmay nga bata ginapakabalaan...
 - o Ang makaluwas nga pagtuo sang tumuluo nga tiayon nagatanyag sa mga kabataan...
 - o Asta nga malab-ot ang edad nga maka pili na sila nga magsunod okon indi magsunod kay Jesus
 - o Maayo nga motibo nga magpabilin nga kasal - para sa mga kabataan...
- Ayhan mamangkot ka - ano naman kon ang pareho nga ginikanan mga indi tumuluo...
 - o Ang Bibliya hipos sa diri - wala kita nakahibalo sa matabo sa sini nga kabataan...
 - o Ang akon mahambal- ang Dios nagapabilin nga matarong - ang mga kabataan nga indi pa mga dalagko para makahangop...
 - o Gani ang Dios dal-on sila deretcho sa langit - apang indi ko mahambal ini nga sigurado gid..
- 2nd -Ang Dios makagamit sa imo sa pagluwas sang imo tiayon...
 - Ano klase nga ehemplo - higugma - ang ginapakita mo kon magsiling ka nga ‘diborsyohan ta ka ’...
 - Apang kon mag tinir ka sa kasal - magbatas sa indi tumuluo nga tiayon ...
 - Ginapakita mo sa iya ang higugma nga pareho sang higugma nga una ginhatag sang Dios sa imo...
 - **Roma 5:8** - “Pero si Cristo nagpanginmatay para sa aton bisan sang mga makasasala pa kita. Sa sini nga paagi ginpakita sang Dios ang iya paghigugma sa aton.”
 - Imbes nga magdiborsyo - mangin suga / ehemplo sa imo nga tiayon..
 - Mahimo nga gamiton ka sang Dios - ang imo ehemplo sang Agape/ indi dalok nga paghigugma - para maluwas sila...
- o Apang kon ang di-tumuluo nga asawa/bana amo ang mag halin - kon makipag-diborsyo - hilway ka na...
 - Naghatag diri si Pablo sang ika-tatlo kag katapusan nga rason sang pagdiborsyo halin sa Bibliya...
 - Indi ka makahawid sang isa ka tawo nga indi na gusto magpabilin - indi mo mapilit nga magpabilin nga kasal...
 - Kon ang di-tumuluo nga tiayon naga-insister nga magdiborsyo - ang Dios nagtawag sa imo sa paghidaet - Buyai na ...
 - Ang tumuluo nga tiayon indi na nahigot sa kasal - hilway na siya...